

NORÜ TAXRE GA POPERA GA

TIMUTÉUCAᖅ NAXÜMATÜXÜ GA PAURU

Timutéuxü narümoᖅ ga Pauru

1 ¹Pa Timutéux, choma i Pauru nixĩ i cuxᖅ chanaxümatüxü i ñaã popera. Rü choxü nixĩ ga namuxü ga Ngechuchu ya Cristu, yerü yemaäcü nanaxwaxe ga Tupana. Rü nüma choxü namu na nüxü chixuxüᖅ na ñuxäcü tüxü nangëmaxü i maxü i taguma gúxü, ega aixcüma Ngechuchu ya Cristuaxü yaxögügu. ²Cuxü changechaü, Pa Chaune, Pa Timutéux. Rü chanaxwaxe ya Tanatü ya Tupana rü Ngechuchu ya Cristu ya tórü Cori na cuxü nangüxëëgüxü rü nüxü cungechaütümüügüxü rü cuxü nataäxëëgüxü.

Tama name i taxäne na Cristuchigaxü ixuxü

³Guxüguma i chütacü rü ngunecü rü cuxna chacuaxächixü i chorü yumüxëwa, rü poraäcü cuxᖅ moxë Tupanana chaxã. Rü nüxü nixĩ i chapuracüxü i mexü i chauäëmaã, yexgumarüü ga nuxcümaüügüxü ga chorü oxigü naxügüxürüü. ⁴Choma rü

nüxna chacuaxächi ga na ñuxäcü poraäcü chauᖅ cungechaüxü rü chauᖅ cuxaxuxü ga yexguma cuxna íchixüxgu. Rü wenaxärü cuxü chadauxchaü na aixcüma chataäxüᖅ. ⁵Erü nüxna chacuaxächi na ñuxäcü meã aixcüma Tupanaäxü cuyaxöxü. Rü curü noxë ga Loí rü cue ga Euníchia rü tüxira aixcüma meã Tupanaäxü tayaxögü rü nüxü chacuax i cuma rü ta na meãma nüxü cuyaxöxü. ⁶Rü ngëmacᖅ cuxna nüxü chacuaxächixëë na cugü cuporaxëëxü na yexeraäcü cunaxüamaxüᖅ i ngëma Tupanaärü puracü ga naxᖅ cuxna naxäaxü ga cuᖅ ga yexguma noxri cuxü chingögüäcüma cumaã chayumüxëgu. ⁷Erü ngëma Naäë i Üünexü i Tupana tüxna äxü rü tama nanaxwaxe na imuüëxü, natürü tüxü naporaexëë na aixcüma duüxügüxü ingechaügüxüᖅ rü meã yigümaã icuáxüᖅ. ⁸Rü tama chanaxwaxe na cuxänexü na nüxü quixuxü i nachiga ya tórü Cori. Rü ngëxgumarüü ta tama chanaxwaxe i chauᖅ cuxäne i ngëma na chapoxcuxü naxᖅ i Tupanaärü ore. Rü

name nixĩ i yaxna namaã cuxĩnũ i ngẽma ngúxũ i cuxçax ínguxũ nagagu i ngẽma ore i mexũ i nũxũ quixuxũ. Rũ Tupana tá cuxũ naporaxẽẽ. ⁹⁻¹⁰Rũ Tupana tũxũ namaxẽxẽẽ rũ tũxũ nidexechi na naxçaxicatama imaxẽxũçax. Natürũ tama tacũ rũ mexũ na ixũxũgagu nixĩ ga yemaãcũ tamaã namecũmaxũ ga Tupana. Natürũ yemaãcũ tũxũ narüngũxẽẽ yerũ woetama yema nixĩ ga nanaxwaxexũ yerũ Ngechuchu ya Cristugagu tũxũ nangechaũ. Rũ nũma ya Tupana ga tautama naãne ùxgumama tũxũ ngechaũcũ, rũ yexguma ínguxgu ga tórũ maxẽxẽeruũ ga Ngechuchu ya Cristu, rũ yexguma nixĩ ga Tupana tũxũ nũxũ dauxẽxũ na ñuxãcũ poraãcũ tũxũ nangechaũxũ. Rũ nũma ga Cristu nixĩ ga iyanaxoxẽẽãxũ na iyuxuchixũ yerũ nũma rũ yuwa ínarũda rũ wena namaxũ. Rũ norũ orewa tũxũ nũxũ nacuaãxẽẽ na yixema rũ ta tũxũ nangẽxmaxũ i ngẽma maxũ i taguma gúxũ ega nũxũ yaxõxgu. ¹¹Rũ Tupana choxũ ningucuchixẽẽ na nũxũ chixuxũçax i ngẽma norũ ore i mexũ. Rũ choxũ namu na ngẽma oremaã chanangúxexẽxũçax i duũxũgũ i guxũwama. ¹²Rũ ngẽmacax nixĩ i poraãcũ ngúxũ chingexũ rũ chapoxcuxũ i ñuxmax. Natürũ tama naxçax chaxãne i ngẽma, erũ choma nũxũ chacuaã na texeáxũ chayaxõxũ. Rũ nũxũ chacuaã na naporaxũ i nũma na nũxna nadauxũçax i ngẽma puracũ i choxna naxãxũ rũ namaã inacúaãxũçax i chauãẽ i guxũgutáma ñuxmatáta ngẽma ngunexũ i nagu wena núma naxũxũ. ¹³Rũ chanaxwaxe i meãma nagu quixũ i

ngẽma nguxẽẽtae i mexũ ga chauxũtawa naxçax cungúxũ. Rũ name nixĩ i meã nũxũ cuyaxõõma ya Ngechuchu ya Cristu rũ meã nũxũ cungechaũ i guxũma i duũxũgũ, erũ Cristuarũ duũxũ quixĩ. ¹⁴Rũ name nixĩ i Tupanaãẽ i Ûunexũ i tawa maxũxũãrũ ngũxẽẽmaã ícunapoxũ i ngẽma nguxẽẽtae i mexũ i Tupana cuxna ãxũ. ¹⁵Cuma marũ nũxũ cucuaãx rũ guxũma ga yema yaxõgũxũ ga Áchiaarũ naãnewa ne íxũ rũ marũ choxna naxĩgũ. Rũ yematanũwa nayexma ga Figueru rũ Ermóquene. ¹⁶Onesíferu rũ muẽxpũxcũna choxũ nataãẽxẽẽ, rũ tama chauxçax naxãne i ngẽma na chapoxcuxũ. Rũ ngẽmacax chanaxwaxe i tórũ Coriaxũ nangechaũtũmũgũ i guxũma i natanũxũgũ. ¹⁷Rũ yexguma noxritama Dumawa nanguxgu ga nũmax, rũ chauxçax nadauecha rũ ñuxmata choxũ iyangau. ¹⁸Cuma meãma nũxũ cucuaãx ga ñuxãcũ tũxũ na nangũxẽẽxũ ga Onesíferu ga Epéchiuarũ íãnewa. Rũ ngẽmacax chorũ yumũxẽwa naxçax íchaca na Tupanaãxũ nangechaũtũmũũxũçax i ngẽxguma wena ñoma i naãnewa naxũxgu ya tórũ Cori ya Ngechuchu.

Ngechuchu ya Cristuarũ puracũtanũxũ i mexũchiga

2 ¹Rũ ñuxma, Pa Chaune, Pa Timutéux, irũ cugũ naporaxẽẽ namaã i ngẽma pora i Ngechuchu ya Cristu cuxna ãxũ! ²Yema ore ga chauxũtawa nũxũ cuxĩnũxũ ga yexguma muxũma ga duũxũgũpexewa nũxũ chixuxgu, rũ chanaxwaxe i ñuxma cuxi ngẽma oremaã cunangúxẽẽ i togũ i

yatügü i meã naãëxũ cuaxgũxũ na nüxĩ togũxũ nangúexëëxũcax namaã i ngẽma ore. ³Rũ tama name i naxcax cumuũ na Ngechuchu ya Cristuarũ oregagu ngúxũ quingexũ. Natürũ cunaxwaxe i namaã cupora ñoma wüxi i mexũ i norũ churararũ. ⁴Rũ wüxi i duũxũ i churarawa ngẽmaxũ, rü taxucürüwama to i puracü i tama churaraarũ ixĩxũgu narüxinũ. Natürũ ngẽma norũ ãëxgacü nagu namuxũ i puracügu nixĩ i naxĩnũxũ na ngẽmaãcü norũ ãëxgacüxũ nataãëxëëxũcax. ⁵Rũ ngẽxgumarũ ta wüxi i duũxũ i wüxi i ñnucawa nügü ingucuchixëëxũ, rü taxuacüma nanayaxu i norũ ãmare ega chixri naxĩnũcaxwaxegu rü tama ngẽma ñnucaarũ ãëxgacüga naxĩnugu. ⁶Rũ texë ya naãnewa puracüxe rü name nixĩ i tüxira tanayaxu i tümanetüari o. ⁷iRũ guxũguma nagu rüxinũ i ñãã ore i cumaã nüxũ chixuxũ! Rũ nüma ya Cori ya Ngechuchu tá cumaã inananguxũxëë i guxũma na nüma nanaxwaxexũãcüma cunaxũxũcax i ngẽma puracü. ⁸iRũ nüxna nacuxãchi ya Ngechuchu ya Cristu ya Dabitanũxũ ga guma yuwa früdacü! Rũ yimachiga nixĩ i ngẽma ore i mexũ i duũxũgümaã nüxũ chixuxũ. ⁹Rũ ngẽma oregagu nixĩ i ngúxũ na chingexũ rü ñoma wüxi i máëtaxürũ nüma poxcupataũwa cadenamaã chichotaxũ. Natürũ Tupanaarũ ore i mexũ, rü guxũwama nanguama rü taxucürüwama texë tayachota. ¹⁰Rũ ngẽmacax yaxna namaã chaxĩnũ i ngẽma ngúxũ i chingexũ naxcax i ngẽma duũxũgü i Tupana idexechixũ. Erü chanaxwaxe i nümagü rü ta Ngechuchu ya Cristuaxũ nayaxögü, rü

ngẽmaãcü na nayauxgüãxũcax i maxũ i mexũ i taguma gúxũ. ¹¹Rũ pemaã nüxũ chixuxchaũ i wüxi i ore i aixcüma ixĩxũ. Rũ ngẽxguma Cristu yuxürũ norũ oreçax iyuegu, rü naxrũ tá ta wena tamaxë na nüma ñangẽxmaxũwa ingẽxmagũxũcax. ¹²Rũ ngẽxguma ñoma i naãnewa yaxna namaã ixĩnũëgu ega ngúxũ ingexgu, rü daxũguxũ i naãnewa rü wüxigu namaã ãëxgacü tá tixĩgü. Rũ ngẽxguma tama Cristuxũ icuãxchaũgu i ñoma i naãnewa, rü nüma rü täütãma tüxũ nacuxãchaũ i daxũguxũ i naãnewa. ¹³Natürũ woo ñuxguacü i yixema rü tama aixcüma naxũxgu i ngẽma Tupanamaã ixunetaxũ, natürũ nüma ya Tupana rü guxũguma nayanguxëë i ngẽma tamaã inaxunetaxũ, erü taxuacüma nügütama nawomüxëë.

**Wüxi i mexũ i puracütanũxũ i
Tupana namaã taãëxũchiga**

¹⁴Rũ ngẽma yaxögüxũ i cuxũtawa ngẽxmagũxũ, rü name nixĩ i Tupanaégagu nüxna nüxũ cucuxãchixëë na tama nuxcümaũgũxũ i ore i taxuwama mexũcax nügümaã na yaporagatanüciũxũcax. Erü ngẽma rü wüxi i chixexũ nixĩ, rü nanachixëãëxë i ngẽma duũxũgü i nüxũ ñnũëxũ. ¹⁵iRũ cugü naporaxëë na meã cunaxũxũcax i Tupanaarũ puracü na nüma cumaã nataãëxũcax i ngẽxguma napëxewa cunguxgux! Erü tama cunaxwaxe i tacüçax nüxũ cuxãne i ngẽxguma nüma cuxna nacaxgu i curü puracüchiga. iRũ ngẽmacax cunaxwaxe i aixcüma meã namaã cungúexëëtae i ngẽma ore i mexũ i aixcüma ixĩxũ! ¹⁶iRũ nüxũ rüxo i ñoma i naãnecüãxãrũ dexagümare i

taxuwama mexû! Erû ngêma duûxûgû i ngêma dexagûmaregu îxû, rû guxûguma yexeraâcû chixexûgu nayi. ¹⁷Rû ngêma norû nguxêetae i ngêma duûxûgû, rû ñoma wûxi i ñaaweane i tûxû íyimachixêêxûrûû nixî. Rû yema nixî ga nûxû ngupetûxû ga Imenêu rû Firetu. ¹⁸Yerû nidoragûmare ga nûxû na yaxugûexû rû marû na nangupetûxû i yuetaarû dachiga. Rû yemaâcû nanawomûxêêgû ga ñuxre ga duûxûgû na tama noxrirûû yaxôgûâxûcax i Tupanaârû ore. ¹⁹Natûrû Tupanaârû ore rû taguma inayarûxo rû taguma naxûchicûû. Rû ngêma norû orewa rû ñanagûrû:

“Tórû Cori ya Tupana nûxû nacuax i texé tixî ya norû duûxûgû ixîgûxe. Rû guxâma ya yîxema nûxû ixuxe na Ngechuchu ya Cristu rû tûmaârû Cori yîixû, rû name nixî i nûxna tixîgachi i guxûma i chixexû”,

ñanagûrû i ngêma norû orewa. ²⁰Wûxi i duûxû i dîeruâxûchixû rû napatawa nangêxma i poratu i uirunaxcax rû dîêrumûnaxcax. Rû nangêxma ta i poratu i naînaxcax rû waixûmûnaxcax. Rû ngêma poratu i uirunaxcax rû dîêrumûnaxcax rû mexû i norû ônacax nixî. Natûrû ngêma poratu i naînaxcax rû waixûmûnaxcax rû guxchirechixû nixî. ²¹Rû ngêxguma wûxi i yaxôxû naxwaxegu na aixcûma mexû i Tupanaârû puracûtanûxû na yîixû, rû name nixî i nûxna nixûgachi i guxûma i chixexû. Rû ngêxguma tá nixî i Tupanapexewa aixcûma naxûûnexû na naxûâxûcax i nagûxûraûxû i puracû i Tupana namaâ nûxû ixuxû. ²²ÎNûxû

rûxo i guxûma i ngêma chixexû i ngextûxûcûgû nagu rûxîñûêxû! iRû meâ Tupanapexewa namaxû rû aixcûma nûxû yaxô! iRû nûxû nangechaû i guxûma i duûxûgû, rû tâxû i namaâ cunuxû! Rû ngêmaâcû chanaxwaxe i cumaxû wûxigu namaâ i guxûma i ngêma duûxûgû i ngearû pecaduâxâcûma Tupanamaâ yumûxêgûxû. ²³Rû tama name i icurîxîñû i ngêma dexagû i taxuwama mexû. Erû ngêma dexagûgagu rû dûxwa nûgûchi naxaie i duûxûgû. ²⁴Rû wûxi i Tupanaârû puracûtanûxû rû tama name na namûcûchi naxaixû. Natûrû name nixî i guxûma i duûxûgûmaâ namecûma. Rû nanaxwaxe i yaxna namaâ naxîñûâcûma meâ duûxûgûxû nangûexêê i Tupanaârû ore. ²⁵⁻²⁶Rû wûxi i Tupanaârû puracûtanûxû rû nanaxwaxe i yaxna namaâ naxîñûâcûma meâ nayaxucuxê i ngêma duûxûgû i tama îrûxîñûêchaûxû. Rû nanaxwaxe i ngêmaâcû ínananguxêê na Tupana nûxû rûngûxêêxû i ngêma duûxûgû na nûxû naxoexûcax i norû chixexû rû nûxû nacuxgûxûcax i ngêma ore i aixcûma ixîxû. Erû Tupana nanaxwaxe na naxuâêgûxû i ngêma duûxûgû rû nawa ínanguxûxû i ngêma chixexû i ngoxo i Chataná nagu nayixêêxû na noxrûtama ngúchaû namaâ naxûxûcax.

Nuxâcû tá nixî i duûxûgû i ngêxguma nagûxchaûgu i naâne

3 ¹Rû chanaxwaxe i nûxû cucuax rû ngêxguma nagûxchaûgu i naâne rû tá nangêxma i âücûmaxûgû rû guxchaxûgû naxcax i duûxûgû. ²Rû duûxûgû tá nûgûguxicatama narûxîñûê,

rü norü dīeruguma tá narüxīnūē, rü tá nügü inarütägü, rü ngēmaācü tātütama nüxü nacuaxgüchaü i togü i duüxügü i tama naxrüü taarü dīeruaxgüxü. Rü chixri Tupanachiga tá nidexagü, rü tātütama nanatüga rü naēga naxīnūēchaü. Rü tātütama moxē inaxā i ngēxguma Tupana nüxü rüngüxēēgu, rü ngēmaācü tātütama nüxü nacuaxgüchaü i Tupanaärü ore. ³Rü tātütama nagu narüxīnūē i togü i duüxügüxü na nangechaügüxü, rü tātütama nüxü nangechaütümüügü. Rü tá naxoregütaaxgü, rü tātütama nügü naporaexēē na yaxna namaā naxīnūēxücax i naxüneärü ngüchaügü. Rü tá nichixecüma, rü tá naxchi naxaie i guxüma i tacü i mexü. ⁴Rü duüxügüechitawaxegüxü tá nixügü, rü nuēwaxexü tá nixügü, rü nügü icuaxüügüxü tá nixügü. Rü tá norü ngüchaücxama nadaugü, rü tātütama Tupanaxü nacuaxgüchaü. ⁵Rü tá nügü nayaxögüxüchinetaxēē natürü ngēma norü chixexü i naxügüxüwa tá nangoxoma na tama aixcüma yaxögüāxü i ngēma ore i mexü. Rü ngēma duüxügü i ngēmaācü maxēxü, rü tama name i namaā cuxāmüci rü natanügu cuxā. ⁶⁻⁷Erü ngēma duüxügütanüwa nangēxmagü i nümaxü i duüxügü i ipatagu ichocuetanüxü. Rü norü ngüxēētaemaā nayawomüxēēgü i ngēma ngexügü i ngēma ngēxmagüxü i tama naāēxü icuāxü rü ipecaduaxgüxü. Rü ngēma ngexügü, rü norü ngüchaügütama rü chixexüwa nanagagü, rü ngēmacax woo guxüguma nangüegü natürü taguma aixcüma nüxü nacuaxgü i ngēma ore i aixcüma ixixü.

⁸Rü ngēma duüxügü i chixexümaā ngüxēētaegüxü, rü chixexügüxicatama narüxīnūē, rü tama aixcüma nayaxögü i Tupanaärü ore. Rü naxchi naxaie i ngēma ore i aixcüma ixixü, naxrüü ga yema yuüxügü ga Yane rü Yabre ga tama Moichéga inüēchaüxü. ⁹Natürü ngēma togü i duüxügü rü tātütama poraäcü nüxü nayaxögü i ngēma chixexümaā ngüxēētaegüxü. Erü guxüwama i duüxügü rü tá nüxü nicuaxächitanü na ngēāēgümarexü yixigüxü yema taxre ga tama Moichéga inüēchaüxüürü.

**Pauru rü inayacuaxēē na
Timutéuna naxāgaxü**

¹⁰⁻¹¹Natürü cumax, Pa Timutéux, marü nüxü cucuax ga ñuxäcü meā na chanangüxēēxü ga duüxügü, rü ñuxäcü meā chamaxüxü, rü ñuxäcü nagu charüxīnüxü, rü ñuxäcü meā chayaxöxü, rü ñuxäcü nüxü changechaüxü rü yaxna namaā chaxīnüxü ga duüxügü, rü ñuxäcü nüxü chixuamaxü ga Tupanaärü ore woo duüxügü choxü imaxgüchaügü rü ngüxü chingexgu. Rü nüxü cucuax ga tacü choxü na ipetüxü ga Aütioquíawa rü Icünüwa rü Ditawa, rü ñuxäcü choxü na yamāxgüchaüxü ga duüxügü rü ngüxü chingexü. Natürü törü Cori ya Tupana choxü narüngüxēē na tama choxü yamāxgüxüchixücax. ¹²Rü aixcüma cumaā nüxü chixu rü guxāma ya yíxema naxwaxegü na Ngechuchu ya Cristucax tamaxēxü, rü togü tá tümachi naxaie rü chixri tá tümamaā nachopetü. ¹³Natürü ngēma duüxügü i chixecümagüxü rü ngēma duüxügü i idorataaxgüxü rü yexeraxü i chixexügü

tá nayi. Erü Chataná marü
 nayawomüxëëgü, rü ngëmacax nüxü
 togüxü nawomüxëëgü. ¹⁴Natürü i cuma
 rü name nixü i guxüguma meã nagu
 quixü i guxüma i ngëma ore i marü
 cungüxü. Erü cumatama rü nüxü cucuax
 na aixcuma yixü i ngëma ore, rü nüxü
 cucuax na texégü tixigüxü ga guxema
 namaã cuxü nguxëëgüxe. ¹⁵Rü cuma
 nüxü cucuax rü cubuxgumamatama
 nawa cungux i ngëma Tupanaärü ore i
 üünexü. Rü ngëmawa cunayaxu i cuax
 na nüxü cucuaxüçax i ñuxacü tüxü na
 nangëxmaxü i maxü i taguma gúxü ega
 Ngechuchu ya Cristuaxü yaxögügu.
¹⁶Rü guxüma i Tupanaärü ore i
 ümatüxü rü nügüäëwatama nanayaxu
 ga Tupana. Rü ngëma ore rü name na
 duüxügüxü namaã ingüxëëxü, rü
 namaã yaxucuxëgüxü rü namaã
 iyanawëxächixëëgüxü, rü namaã
 nangüxëëxü na meã Tupanapexewa
 namaxëxüçax. ¹⁷Rü ngëmaäcü i ngëma
 ore rü tüxü narüngüxëë ya yixema
 Tupanaärü ixixë, na meã nüxü
 tacuaxüçax i ngëma Tupana naxwaxëxü
 rü itamemarexü na tanaxüxüçax i
 nagüxüraüxü i puracü i Tupana
 tümamaã nüxü ixüxü.

4 ¹⁻²Rü nüma ya Ngechuchu ya Cristu ya
 núma tá ücü na nüxü yacagüxüçax i
 ngëma duüxügü i maxëxü rü ngëma marü
 yuechirëxü, rü yimapexewa rü
 Tupanapexewa cuxü chamu na nüxü
 quixuxüçax i ngëma ore i mexü. Rü
 ngëxguma cuxü yatauxchaächigu rü woo
 cuxü naguxchagu, rü chanaxwaxe i nüxü
 quixuama i ngëma ore. Rü ngëmaäcü
 chanaxwaxe na icuyanawëxächixëëgüxü rü
 meã cuyaxucuxëgüxü rü nüxü

cunangüchaüxëëxü i duüxügü. Rü name nixü
 i yaxna namaã cuxñnüäcuma meã
 cunangüxëë. ³Erü yixcüra i duüxügü rü
 täütáma nüxü naxñnüëchaü i ngëma
 nguxëëtae i mexü. Erü ngëma duüxügü rü
 nichixecüma. Rü ngëmacax naxçax nadaugü
 i norü ngüxëëruügü i nüma
 nanaxwaxëgixüäcuma nangüxëëxü. ⁴Rü
 täütáma nüxü naxñnüëchaü i Tupanaärü ore i
 aixcuma ixixü. Erü nüxü nayaxögü i ngëma
 ore i doramare ixixü rü ngëmaguama
 narüxñnüë. ⁵iNatürü cuma rü meã cugüna
 nadau, rü ínaxuäë, rü namaã naporä ega
 ngüxü cuxü üpetügu! iRü nüxü ixuama i ore
 i mexü i tüxü maxëxëëxü, rü meã yanguxëë i
 ngëma puracü i Tupana cuxna äxü!
⁶Täütáma muxü i ngunexü ñoma i naãnewa
 changëxma erü marü choxü ningaica na
 Tupanaärü puracü chaxixügüchagu chayuxü rü
 choxü na yamaxgixü i duüxügü. ⁷Rü choma
 rü marü guxüwama nüxü chixuchigü rü
 íchayapoxüchigü ga Tupanaärü ore i mexü
 ga woo yemacax duüxügü chauxchi na
 aixü. Rü guxüguma aixcuma Tupanaçax
 chamaxáma rü nüxü chayaxoóma. Rü
 ñuxma rü marü nawa nangu na chayuxü.
⁸Rü ñuxma rü marü Tupana choxü namaã
 nanguxü i ngëma ämare i mexëchixü ya tóru
 Cori ya Ngechuchu ya äëxgacü ya mecü tá
 choxna äxü i ngëxguma wenaxäri ñoma i
 naãnewa naxüxgu. Rü täütáma chaxica
 choxna nanaxä i ngëma ämare, natürü tá
 tüxna nanaxä ya guxáma ya yixema tümääri
 ngüchaümaã ínanguxëëgüxe na wenaxäri
 núma naxüxü.

Timutéuxü naxucuxë ga Pauru

⁹Cumaã nüxü chixu rü chanaxwaxe i
 paxa nuã cuxü, rü choxü ícuyadau.

¹⁰Dema rü ñoma i naãneärü ngëmaxügu

naxĩnũxũgagu choxna nixũ rũ ãane ga Techarónicawa naxũ. Rũ Crechéũte rũ Gárataanewa naxũ, rũ Titu i Darumáchiaanewa. ¹¹Rũ Lucaxicatama nixĩ i ñuxma chauxũtawa ngẽxmaxũ. Rũ chanaxwaxe i naxcax cudau i Marcu na nuã cunagaxũcax. Erũ nũma rũ chauxcax name na choxũ na nangũxẽxũ i ñaã puracũwa. ¹²Rũ Tĩquicu rũ ãane i Epéchiuwa chanamu. ¹³iNgẽxguma nuã cuxũxgu rũ nuã nange i chorũ gáuxũchiru ga ãane i Túruawa ngẽxmaxũ ga Carpupatawa chatáxũ! Rũ chanaxwaxe i nuã cunana i chorũ poperagũ. Rũ guxũãrũ yexera chanaxwaxe i nuã cunana i ngẽma chorũ poperagũ i idixgũpũtaxũ. ¹⁴Aleyádrũ i cobrenaxcax i buetarearũ iũwa puracũxũ rũ poraãcũ chixri chomaã naxũpetũ. Natürũ Tupana nũxũ nacuax i ñuxãcũ tá na napoxcuãxũ naxcax ga yema chixexũ ga chomaã naxũxũ. ¹⁵iMeã cugũna nadau na tama chixexũ cumaã naxũxũcax! Erũ poraãcũxũchima naxchi naxai i Tupanaãrũ ore i mexũ. ¹⁶Yexguma noxrixũchima ãẽxgacũgũpẽxewa chaugũétiũwa chideaxgu rũ taxúema choxũ tarũngũxẽẽ. Guxũma choxna nibuxmũ. Natürũ tama chanaxwaxe i Tupana nagu narũxĩnũ i ngẽma. ¹⁷Natürũ tórũ Cori choxũ naporaxẽẽ rũ choxũ narũngũxẽẽ na choxũ natauxchaxũcax na nũxũ

chixuxũcax ga nortũ ore i mexũ i tũxũ maxẽxẽxũ. Rũ yemaãcũ guxũma ga yema duũxũgũ ga tama yaxõgũxũ ga yéma yexmagũxũ rũ nũxũ naxĩnũẽ ga yema ore. Rũ yemaãcũ tórũ Cori ya Ngechuchu choxũ ñanguxuchixẽẽ ga yexguma taxũ ga ãũcũmaxũwa chayexmagu. ¹⁸Rũ nũma ya tórũ Cori tá choxũ ñanguxuchixẽẽ nawa i guxũma i chixexũgũ. Rũ tá choxna nadau na ngextá ãẽxgacũ íyũxũwa choxũ nagaxũcax. Rũ tanaxwaxe i guxũguma nũxũ ticuaxũũgũ. Rũ ngẽmaãcũ yĩ.

**Pauru rũ wenaxárũ Timutéuxũ
narũmoxẽ rũ naxcax ínaca
na Cori ya Ngechuchu ya
Cristu nũxũ rũngũxẽẽxũ**

¹⁹Chanaxwaxe i chauégagu nũxũ curũmoxẽ i Prisila, rũ Aquiru, rũ Onechéperutanũxũgũ. ²⁰Eratu rũ ãane i Corítiugu narũxãũx. Rũ Turuquĩnu rũ idaawexũma ãane i Miretuwa chanatax. ²¹Rũ naxũpa i gáuanexũ rũ chanaxwaxe i nuã cuxũ. Rũ cuxũ narũmoxẽgũ i Eubúru, rũ Prudẽte, rũ Linu, rũ Cáudia, rũ guxũma i taeneẽgũ i yaxõgũxũ. ²²Rũ chanaxwaxe i tórũ Cori ya Ngechuchu ya Cristu cumaã nangẽxma, rũ Tupana pexũ narũngũxẽẽ ya guxãma i pemax.

*Rũ nuãma pexna,
Pauru*